

Batasuna-ko txostengileak herriz herri

Azaroaren 19ra bitartean herri eta auzoetan ari dira aurkezten Batasuna prozesuko txostenak

Ezker abertzalearen egitura politiko berria sortze aldera antolatutako Batasuna prozesua txostenen aurkezpen fasean murgilduta dago. Fase honen helburua eztabaidarako oinarritzko txostena aukeratzeta da. Bi txosten mota dau de eztabaidan: batetik, erakunde berriaren ezaugarri ideologikoei eta barne antolaketari buruzkoa, eta, bestetik, erakunde berriak eraman beharreko ildo politikoari buruzkoa. Lehen atalean sei txosten lehiatuko dira: *Aralar ildoak*, *Bateginez*, *Arragoa*, *Piztu*, *Igitaia eta Mailua* eta *Teilagorri* (ikus ondoko laburpena). Bigarren atalean, ordea, hiru bakarrik: *Aralar*, *Bateginez* eta *Igitaia eta Mailua*.

Azaroaren lehen astean hasi ziren herriz herriko eta auzoz auzoko aurkezpenak eta azaroaren 19ra arte jarraituko dute. Dagoeneko, Bermeo, Zeanuri, Zumaia, Berriozar, Lemoa, Muskiz, Santurtzi, Santutxu (Bilbo), Donibane (Iruñea), Altza (Donostia), Tafalla, Orio eta beste hainbat herri eta auzoetan egin dira aurkezpenak. Bertan txostena aurkeztu duten taldeen ordezkariak izateko eskubidea dute eta agertu ezinean bideoan grabatutako azalpena eskaintzen da. Oinarritzko txostenaren aukeraketa prozesua urtarilarren erdialderako eginga egotea espero dute Batasuna prozesuko dinamizatzaileek.

Lehenengo atalari dagokionez, txostengileek erakunde berriaren nortasun ikurrak marraztean, independentzia, autodeterminazioa, euskal demokrazia sozialista kontzeptuak jorratu dituzte. Txostengile bakoitzak bere ukitua jarri badie ere, diferentzia handiak agertzen dira borroka moldeak proposatzekoan. *Aralar ildoak* «ekinbide politikoari» lehentasuna eman dio; *Bateginez*-ek gizarte borroka eren arteko oreka proposatu du; *Piztuk*, antzera, hainbat herri borroka motaren alde egiten du, baina desobedientzia zibilaren garrantzia nabarmenduz. *Teilagorri*-k ere ohartarazten du desobedientzia zibila uztartu beharraz. *Igitaia eta Mailua* txostenak, berriz, masa borrokari ematen dio lehentasuna.

Pello Urzelai
DONOSTIA

Batasuna-ko ponentziak (I): Eraiki nahi dugun herritarren batasuna

Teilagorri

■ ezaugarri ideologikoak

- **Estatu federala:** «Etorkizuneko euskal estatuaren barne egituraketarik hoberena errepublika federal baten bidezkoa izango litzateke, alderdi sisteman oinarritutakoa».
- **Borroka moldeak:** «Etor-kizunean desobedientzia zibila batasun berriaren dinamikan uztartzen jakin behar dugu».

Igitaia eta Mailua

■ ezaugarri ideologikoak

- **Elkargunea:** «Herritarren Batasuna demokrata, abertzale eta iraultzaileen topagune gisa planteatzen dugu, gutxieneko puntu batzuen programa bat defendatzeko».
- **Borroka moldeak:** «Masa borrokan sakondu behar dugu. Borroka instituzionala masa borrokaren zerbitzuan jarri behar da».



Batasuna prozesuko txostenen aurkezpena, atzo, Santurtzin.

Piztu

■ ezaugarri ideologikoak

- Euskal Herri subirano eta sozialistaren aldekoa. Estatu federalean antolatuta. Herri desmilitarizatu eta demokratikoa.
- **Borroka moldeak:** «Herri borroka, aldaera ezberdinetan (desobedientzia, boikotak, intsumisioak, manifestazioak, enkarteladak...) erakunde berriaren jardunbidearen ardatza izango da».

■ egitura berria

- **Kidegoa:** Militantearen eta «lagunaren» arteko bereizketa proposatzen du.
- **Barne erreferendumak** antolatzearen alde.
- **Barne egitura:** Bilgune (organo kontsultiboa), Euskal Herriko Biltzarre (erabakigune gorena, nolabaiteko batzar nazionala, Mahai Nazionala (34 kide, 6 kide irizpide orokorraren arabera)

Aralar ildoak

■ ezaugarri ideologikoak

- **Autodeterminazioa:** «Eskubide horren subjektua nazio osoa da, baina eskubide horren gauzatze eremuak nortasun indartsuarekin eratu diren herrialdeak izan litezke».
- **Borroka moldeak:** Ekinbide politikoak lehentasuna izan behar du.
- **Borroka armatua:** «Gaur borroka armatuak zilegi izateari utzi dio». «Ezker abertzalearen aurrerapenak oztopatzen ditu».

■ egitura berria

- **Derrigorrezko afiliazioa:** «Militante izaera izanen du partaide izateko espreski eskatu, errolda batean inskribatu eta behar bezalako kreditazioa hartzen duen orok».
- **Barne antolaketa:** militantea, taldea, taldeen koordinadora, herrialdeko batzarra, herrialdeko mahaia, batzar nazionala, mahaia nazionala, ildoak, kongresua eta lurralde batzarrak edota batzar sektorialak
- **Mahai Nazional 'federala':** 20 partaide izango ditu. 5 Arabakoak, 5 Bizkaikoak, 5, Gipuzkoak, 5 Nafarroakoak, lurralde bakoitzeko Herriadeko Batzarrak hautatuak.

Bateginez

■ ezaugarri ideologikoak

- Independentzia, biziraupenerako berma gisa. Justizia sozialean eta demokrazia partehartzailean oinarritutako eredu. Euskara, bateratzaile eta bereizle.
- **Borroka moldeak:** «Erakunde berriak gizarte borroka erak (mobilizazioak, desobedientzia...), borroka ideologikoa eta borroka instituzionala erabiliko ditu».
- **Borroka armatua:** «Biolentzia era hauek inposaketa egoeraren erantzun gisa agertzen dira». «Gai honen aurrean, iritzi asko egonik, ez dugu ez ontzat ez txartzat ematen balorazio eta estrategia horiek».

■ egitura berria

- **Kidegoa:** «Kide bakoitzak txartel pertsonala izango du baina afiliatuaren figura sortu gabe».
- **Besterik:** Erreferendumak antolatzeko aukera izango da eta korrante antolatutako onartzen dira.
- **Mahai Nazionala:** 29 kide: 16 irizpide orokorraren arabera, 7 herrialdeetako koordinatzaileak, mahaiko koordinatzailea eta bost arloko arduradunak.

Arragoa kolektiboa

■ ezaugarri ideologikoak

- «Gure nazio proiektuak izaera sozialista, alternatibo, ekologista eta feminista duen askapen proiektu orokor bat osatzen du».
- **Autodeterminazioa:** «Lurralde ezberdinak eta horietan bizi den biztanleriaren gehiengoa autodeterminazio prozesuari askatasunez eta borondatez atxiki behar dira».
- **Borroka armatua:** «Egun, gizartearen gehiengoak uste du helburu politikoez ez dutela borroka armatua justifikatzen. ETak ez du konbentzitzen. Abertzale gehienak ere ez, borroka armatuak, mesede barik kalte egiten diola uste baitute».

■ egitura berria

- **Printzipio demokratikoak:** «Erakunde honen funtzionamendua printzipio demokratikoz burutuko da: gehiengo eta gutxiengoa dutenen jokabidearen bidez, kuota ordaindu beharko duten afiliatuaren errolda eginda, isileko eta jendaurreko botoa erabiliz, Mahai Nazionala eta Herrialdeko kideak, baita eskualde eta herriak ere, era gardenez hautatuko dira».